

湖北府縣志輯

中國地方志集成

同治咸豐縣志  
同治宣恩縣志  
同治來鳳縣志



序

且夫志也者志其地也志其地  
之人與事也意不必取其精深  
詞不必求其風雅惟於山川疆  
域橋樑關津廟宇古蹟及一切

咸豐縣志

序

風俗人才官師文武忠孝節烈  
並賦役戶口兵政錢穀歷歷分  
門別類編而輯之使觀者一披  
閱而了然於心目間已耳同治  
二年余奉檄宰咸蒞任之日見

其山川毓秀風俗醇良及諸紳  
謁見坐談之際余以邑乘為詢  
僉曰咸自有明以來為大田所  
分隸土司至

圖朝

乾隆初年始改土歸流百有餘

咸豐縣志

序

歲文敷雖興而科名未著兼之  
土瘠民貧難以措手雖前任盧  
陳諸公皆有志修纂又因疊遭  
兵燹是以不果余曰縣志一書  
人才藉以維持風俗賴以丕變

# 中國地方志集成

湖北府縣志輯 ⑤7

同治來鳳縣志

同治宣恩縣志

同治咸豐縣志



江蘇古籍出版社 ● 上海書店 ● 巴蜀書社

愚夫婦之忠孝節烈禮義廉  
恥亦無不由是以感激成風則  
縣之係於志也不綦重哉願諸  
公留意採訪吾將倡厥成功僉  
曰唯唯甲子仲冬

咸豐縣志

序

三

大憲彙修省志飭取各屬志彙  
以備考核即謀諸學博鮑君會  
同紳耆設局纂修適俊甫張君  
輯有志書稿本呈閱披覽之餘  
見其於斯地本本原原歷歷叙

之無不洞澈其於山川疆域橋  
樑闕津廟宇古蹟及一切風俗  
人心官師文武忠孝節烈並賦  
役戶口兵政錢穀分門別類

然志之無不明晰後之披覽是

咸豐縣志

序

四

書者即可豁然於目而瞭然於  
心也遂付梨棗以備參閱斯志  
之成將見山川增色人才樸茂  
風醕俗美蒸蒸日上非哉

聖天子深仁厚澤恩膏下逮重熙累

洽弗克臻此猗歟休哉何治之  
盛歟謹援筆以識俟後之蒞任  
斯土者或修飾而潤色之以為  
斧削之資云爾是為序

同治四年歲在己丑秋八月

咸豐縣志

序

五

知咸豐縣事宜川張梓撰

序

國有史邑有志志者志其事之足  
以信今傳後非第為一邑光將使  
後之覽是志者得以考鏡不為時  
地所限油然而生忠孝節義之思  
也夷考咸地為古巴子國秦屬黔  
中郡漢為武陵郡唐屬黔中道五  
季為感化州元屬散毛司明洪武  
七年割散毛司之半為大田所外  
而毗連黔蜀內而鎖鑰荆襄亦重  
地也誠不可以無志但在勝國土  
流間治以一所處諸司環繞之中

咸豐縣志

序

一

屯田守禦修文不暇志何有焉

國

朝雍正十三年改土歸流乾隆元年設縣三十七年建學官師畢舉教化漸行易荒服為冠裳變干戈為禮樂涵濡

聖澤百有餘年其疆域雖無名山大川

咸豐縣志

序

二

之可紀而如仙掌積玉以及龍潭瀑布蔚然清秀者不一其處豈必異江漢雲夢之觀也其人物雖無高爵顯秩之可書而忠奮者有人純孝者有人守義高隱者有人以及官師儒士烈女節婦卓然傑出

者更不一其人何在無樵楠杞梓

之材也其餘風俗之古樸名士之

留題與夫沿革建置典禮皆與內

地等此都人士所為不忍湮沒往

迹沉淪善行有志撰記而恒苦草

創之難同治甲子春適催修志檄

咸豐縣志

序

三

三邑張明府與余思董其事而慮

考校無由賴同學諸君徵文考獻

網羅敬軼竭數年之心力擇其事

蹟足以資考証者存之行誼足以

為法效者錄之付諸剞劂以傳不

朽非敢曰為一邑光或亦可使百

世後之考古者一助云至若表章潤色一俟人文臻盛之日更有待於同志者是為序

同治四年乙丑秋署咸豐縣訓導西陵鮑含章撰

叙

著作莫難於草創莫易於潤色至於修志則草創易潤色難何易乎爾蓋網羅舊聞搜尋事實按類紀載條分縷晰信以傳信疑以傳疑詞不煩而易曉意該括而無遺其於文字之典贍棄取之謹嚴事跡之詳畧古今之源流固未暇細論而殊覺其易也何難乎爾歷觀往迹詩書傳

於刪定春秋歸於筆削鄭國之  
命必資東里班馬之文續成西  
世以及歷代國史當時左右史  
記之後世名公鄉修之且宿儒  
碩彥遞經斧藻不遺餘力於是

咸豐縣志

序

二

文字之典贍棄取之謹嚴事跡  
之詳畧古今之源流始昭然於  
簡策與日月爭光蓋潤色若斯  
之難也雖然草創固易在成亦  
有不易者咸聞於荆梁僻處深

山淮陰之轍迹已渺太康之斷  
碣不存宋元以前了無傳記有  
明以來諸司環繞文教闕如洪  
武雖立所弁置屯田粗定規模  
聊示羈縻隆慶以後土司侵占

咸豐縣志

序

三

迄無寧宇逮

國朝康熙王紐兩公相繼到所始  
就蘇息乾隆初改土歸流涵濡  
聖澤百有餘歲同文之化比於內地  
而縣志尚無成書安在其草創

之易也矧前明童志廢於兵燹  
括毫濡墨無從考証各圖而下  
雜志而上卷凡若干文成數萬  
雖藉郡志為粉本僅存什一於千  
百而因畧求詳語必足徵昔人

咸豐縣志



序

四

不能成於數百年之前吾輩還  
欲成於數百年之後又無易之  
非難也惟是三代之直道未泯  
人心之天良不殊所見所聞如  
是所言亦遂如是有不覺其草

創之易耳書成適 明府張公

學博鮑公設局修志繕稿呈閱  
遂付剞劂勒為成編雖文字之  
典贍棄取之謹嚴事跡之詳畧  
古今之源流未易窺測且多遺

咸豐縣志



序

五

漏姑俟博雅君子覽是書而詳  
加潤色易其所易難其所難歸  
於完善抑又幸矣

同治四年歲在乙丑重九前一  
日瀑泉張光杰撰

序

事莫難於創創之難莫難於創志尤莫難於創成之志非文獻足徵則不易志非才學兼優則不敢志非土膏民富資費有餘則不能志且地介山壤改土僅

咸豐縣志

序 一

始於

國朝兼兵燹疊遭鋒燧屢舉於郊闕審時度勢不綦難乎創哉邑明府張公者余闕西舊家也學

問深醅性行淑均余同硯日久

深知底蘊自奉檄蒞咸後未逾

期年余亦抵署入其邑觀其風

物阜土膏四方之山川清淑父

慈子孝八里之風俗循良各安

咸豐縣志

序 二

其業各守其居彬彬乎禮樂之

化

邗治之隆焉此固

聖天子深仁丕及而亦張公薰陶之

功也嘗語余曰十室之邑必有

忠信山川英華積久必發使不  
有以志之將致世遠年深而湮  
沒不彰則觀法無由何以感激  
乎人心此吾所日夜焦灼而刻  
刻在抱者也異日付刊刪定告

咸豐縣志

序

三

厥成功聊慰我心乙丑夏

大憲札飭擬鍾祥公以離任有  
期簿書之暇即就邑紳張君輯  
稿畧加鑒定編輯成錦將付剞  
劂遺余觀覽披閱之下喜其層

次分明源委洞澈理既足而詞  
圓言亦簡而意該以斯編僻之  
邑而竟有若人焉為之廣詢為  
之博訪統風土人物山川疆域  
搜羅無遺不知幾經時日幾費

咸豐縣志

序

四

心力矣斯志之成余曷敢序恭  
疏短引一以慕採訪之苦衷一  
以彰編修之深意云爾

同治四年歲在旃蒙赤奮若作  
巫月龍門牛娘謹序

凡例

一咸邑向無縣志前明童氏題著有大同

所志經兵燹無存郡志所載視邑獨

畧然因畧求詳猶賴郡志以為粉本

一咸邑界居楚黔自明以前諸司強梁侵

占屯堡此疆彼界殊難剖悉改流以後

惟金崗龍潭唐崖三司屬咸故於三處

沿革特詳

一咸邑居楚西偏處萬山之中其山川載

咸豐縣志

卷之首凡例

一

入郡志者略而不詳茲特列諸輿圖詳

其遠近俾得展卷了然

一郡志附載名宦咸邑僅得四人均未呈

請崇祀茲悉載入邑乘至實有政績令

人稱道不衰者概列小傳附後

一善善從長故人物志中所收稍寬至其

人現存概不立傳遵郡志也惟節考婦

女核其年例相符無論已未

旌表皆得備書至其婦之子若孫父及兄

弟或係貢祿亦附入傳中以見善人有後焉

一藝文志中凡前代詩文備錄無遺至近

今詩文其有關風俗及山川人物者僅

登一二以限於尺幅故概從割愛

一是集成於草創雖遍訪士著搜尋鐘鼎

視郡志為詳然見聞甚隘缺畧必多譬

如葭薪後來居上補苴潤色以成善本

尚俟通博

咸豐縣志

卷之首凡例

二

修纂姓氏

監纂

同知銜知咸豐縣事宜川張梓

協纂

署咸豐縣學訓導甘西陵鮑含章

咸豐縣志

卷首 姓氏

一

纂修

國子監學正銜  
即選訓導貢生 張光杰

同纂

廩生馮建寅 貢生覃吉祥

分校

貢生丁秀鏐

儘先訓導

貢生文有典

貢生宋文藻

貢生熊飛

貢生黃裳吉

附生徐國典

附生張明玉

附生馮興煒

咸豐縣志

卷首 姓氏

目錄 知咸豐縣事宜川張 梓監修

卷首

序文 凡例 姓氏 目錄 邑圖

卷之一

疆域志 方域 沿革

卷之二

疆域志 山川 勝境 古蹟

卷之三

建置志 城池 關隘 公署 倉

咸豐縣志 卷之首

目錄

卷之四

建置志 集場 津梁 鋪遞

卷之五

建置志 學校 義學

卷之六

典禮志 壇廟 禮節

卷之七

典禮志 祠宇 寺觀 義塚 風俗

卷之八

食貨志 戶口 物產

卷之九

食貨志 田賦 雜稅 鹽引 賦役

卷之十

食貨志 祭祀 廉俸 工役

卷之十一

武備志 俸薪 餉額

卷之十二

武備志 武備 營制 兵市

咸豐縣志 卷之首

目錄

卷之十三

官師志 文職 武職

卷之十四

官師志 世職 名宦

卷之十五

選舉志 科貢 武職 捐職

卷之十六

人物志 行誼 忠義 孝友 流寓

卷之十七

人物志 姓氏 列女

藝文志 詩

卷之十八

藝文志 詩

卷之十九

藝文志 文

卷之二十

雜志 雜記 祥告

咸豐縣志

卷之首

目錄

三

各圖


儒生稽古左圖右史書之有圖尚矣  
縣治三面據險城小而固飛鳳雄峙  
於東南大河綿亘於西北山川形勝  
固在目前載在版籍誠西偏之雄封  
小邑之大觀也因撰記縣志列各圖  
於首而古圖附焉


咸豐縣志

卷首

目一

# 隘子圖





縣署圖

